



## Cronica da la grupp

### 1990

Fondü la grupp suot la bachetta dal president da la società da chatschaders „Turettas, Val Müstair“, Peder Andri a la quala fan part:

- Bruno Marcolli, Valchava sco dirigent
- Wetter Tumasch, Valchava sco parsura (Parforce)
- Hohenegger Carlin, Fuldera (Parforce)
- Bott Curdin, Valchava (FürstPless)
- Bott Fadri, Valchava (Fürst Pless)
- Fallet Dumeng, Müstair (Parforce)
- Andri Lüzzi, Müstair (FürstPless)

Cul rechav da 3'000 frs tras la lottaria sun gnüts cumprats 6 instrumaints novs.

### 1991

Prüm regulativ per la grupp da corns tras la società. Pro l'inscunter sün chamonna „Grusaida“ pro Tumasch sun gnüts bivgnaintats trais novs musicants:

- Grond Daniel, Müstair (FürstPless)
- Conrad Gian Duri, Müstair (FürstPless)
- Fallet Werner, Müstair (Parforce)

### 1992

La nouva unifuorma ans cuosta 5438 frs; ramassà tras sponsurs e fauturs 3590 frs. Quaista vain inaugurada pro la 78avla delegiada dal BKPJV illa sala polivalenta a Müstair. Il regulativ da la grupp vain per la prüma jada müdà. Tumasch Wetter vain elet sco president da la società. In sia piazza sco parsura aintra Werner Fallet e sco chaschier Gian-Duri Conrad. La società regala 3000 frs a la grupp.

### 1993

La grupp piglia part al 17vel inscunter chantunal bernais per corns a Burgdorf  
resultat: → **1a piazza cul predicat „vorzüglich“**

Lüzzi Andri sorta da la grupp e sco nouv commember pudain salüdar a Reto Oswald, Müstair (FürsPless).

### 1994

Inscunter federal per trar a schaibigia e sunar il corn a Alpnach.

resultats: Curdin Bott → 6avla piazza cumbinaziun

Wetter Tumasch → 11 avla piazza cun 60 pcts (maxim) cun sunar

Fallet Dumeng → 7 avla piazza cun 199 pcts sül chamuotsch

Nus salüdain il nouv musicant Andri Jürg (Parforce) ed in prova a Werner Braun, Valchava (FürstPless) chi d'eira fin quà commber da la grupp Colani, La Plaiv.

### 1995

19° festa federala per corns a Solothurn.

resultat: → **2a piazza illa categoria AII**

La famiglia Grond, Müstair, Hotel Helvetia es il sponsor da la messa da sonch Hubertus.

## 1996

Inscunter federal per trar a schaubigia e sunar il corn a Scuol cun la messa da sonch Hubertus

resultats: Fallet dumeng → 3 piazza cumbinaziun

Wetter Tumasch → 3 piazza sunar il corn

Displaschaivelmaing sortan da la gruppa Curdin e Fadri Bott, pudain pero salüdar a Bruno Oswald, Valchava sco nouv cornist (FürstPless).

## 1997

Ami Carlin Hohenegger ans banduna per adüna e lascha inavo üna gronda foura in nos ravuogl. A la radunanza pudain salüdar a duos novs cornists: Hohenegger Severin, Fuldera (Parforce) ed Angel Fallet, Valchava (FürstPless).

Displaschaivelmaing as retira nos dirigent Bruno Marcolli e nus til onurain sco commember d'onur. **Sco nouv dirigent vain elet Tumasch Wetter.**

## 1998

Expoziziun GIAS a Stäfa cun concert illa baselgia catolica insembel cul cor da baselgia da Müstair. Nus pigliain part per la 2. jada al trar e sunar a Scuol. A la fin da l'on as retiran displaschaivelmaing divers amis da la gruppa:

Fallet Dumeng, Oswald Reto, Braun Werner ed Oswald Bruno.

## 1999

Expoziziun da trofeas da la Valtelina sun invid dad ami Flurin Pünchera a Tirano ed ivid dals chavalgiants da la festa 700 ons Chalavaina sü Süssom Givé. Nus salüdain quist on quatter novs cornists:

Hohenegger Rico, Fuldera (16 marz; FürsPless); Lamprecht Jon, Lü / Tschier (11 gün; Parforce); Schgör Guido, Müstair e Malgiaritta Remo, Müstair (20 november; FürstPless).

## 2000 → millenium → festa da 10 ons

Festa da jubileum, 10 ons gruppa da corns insembel cun il 70avel anniversari da la società. Sco giast es invidada la gruppa Colani, La Plaiv. Al istess mumaint pudain inaugurar la nouva unifurma chi cuosta 8000.- frs (donaziuns e fautors 3800.- frs, elavurà dals societaris 1000.- frs, chascha da la gruppa 2000.- frs = total da 6800. frs). Peder Andri, president da la società, vain elet sco commember d'onur da la gruppa. Ami Tumasch po sco unic cornist in carica festagiar il 10avel anniversari sco commember da la gruppa. Implü sunaina la messa a Tuer segui dal Jägerschmaus. Nus manain tras la prüma jada il gö da dats. Displaschaivelmaing sorta ami Grond Daniel da nossa gruppa, davo 9 ons.

## 2001

22° festa federala per corns a Interlaken.

resultat: → **8a piazza illa categoria AII**

Sco regordanza daja ün petschin cha nus implantain pro l'implant da tir.

Festa 100 ons „via Umbrail“ dals 1. avuost cun Ch. Blocher sü Lü.

Christian Schgör jun vain salüda sco nouv cornist (FürstPless) illa gruppa.

## 2002

Delegiada dal BKPJV in Val Müstair; festa da „1000 ons Algund“ giò'l Tirol dal süd; concert aint il Hotel „4-Jahreszeiten“, Schlanders;

## 2003

23a festa federala per corns illa Kartausa a Ittingen (TG)

resultat: → **4a piazza illa categoria AII**

## 2004

Festa da „25 ons chamonna Legnai“ a Fuldera; radunanza dal comitè vegl e nouv dal SPW. Ami Angel Fallet sorta davo 7 ons actività da la gruppa.

## 2005

24° festa federala per corns a Münchenstein (BL)

resultat: → **1a piazza illa categoria AII (champ. svizzer)**

Instrumaints novs Parforce e revisiun totala dals FürstPless: l'import 9900 frs vegn saldà tras donaziuns, sponsurs e fauturs cun 8000 frs. Invid al bal da „Hubertus“sü Motta Naluns, Scuol. Nus vain sunà pro la sairada d'infuormaziun sur dal uors a Tschier. Uossa vaina eir nossa homepage: [www.turettas.ch/corns](http://www.turettas.ch/corns) da chatscha

## 2006

Festa d'inauguraziun dal “Chastè da Cultura” a Fuldera. Viadi cun la società jo Brescia cun visita da la ditta d'armas Beretta. Concert pro'l Barbecue a l'otel Quellenhof, Bad Ragaz. Displaschaivelmaing banduna Remo Malgiaritta davo 6 ons d'attività nos savuogl. Nos chaschier Gian-Duri ha miss a disposiziun sia plaiv, la quala vain surdatta ad ami Christian. Nus salüdain a Bruno Tschennett (FürstPless) sco nov cornist in prova.

## 2007

25° festa federala per corns a Château d'Oex

resultat: → **11a piazza illa categoria AI (erhöhte Anforderungen)**

Displaschaivelmaing baduna ami Rico Hohenegger nos savuogl davo 9 ons d'attività ed eir Bruno Tschennett nu cuntinua seis ingaschi, pudain pero salüdar ad Oscar Walther da Valchava (FürstPless) sco nov ami. Nus sunain pro la visita da la presidenta dal Cussagl Federal Micheline Calmy-Rey.

## 2008

Nossa gruppa organischescha per la prüma jada e pisera per l'andamint da l'eivna da chatschaders in la sala cumünala a Müstair; ustaria, trategnamaint, exposiziun da trofeas eop.

## 2009

2° organisaziun da l'eivna da chatschaders, implü partecipaziun al „Südtiroler Jagdhornbläsertreff“ a Schlanders